

歸愚詞一卷

葛立方

歸愚詞

目錄

滿庭芳十調
菩薩蠻一調
沙塞子一調
蝶戀花一調
水調歌頭一調
玉樓春一調
卜算子二調
好事近二調

錦堂春慢一調
風流子二調
春光好二調
清平樂一調
玉漏遲一調
鷓鴣天一調
夜行船一調
眼兒嬌一調

水龍吟一調
多麗二調
西江月一調
減字木蘭花一調
行香子一調
浪淘沙一調
雨中花二調

歸愚詞目錄終

歸愚詞

宋 葛立方

滿庭芳（催梅）

霜葉停飛。冰魚初躍。梅花猶闕。芳叢翦酥裝玉。應爲費天工。爭奈江南驛使。征鞍待一朵香濃。憑誰報。冰肌仙子。聞早駕飛龍。溶溶春意動。寒姿未展。終愧羣紅。與斬新未上。開伴長松。要看黃昏庭院。橫斜映。霜月朦朧。蘭堂畔。巡簷索笑。誰羨杜陵翁。

又（和催梅）

未許蜂知。難交雀啅。芳叢猶是寒叢。東方解凍。春仗做春工。何事仙葩未放。寒苞祕冰麝香濃。應須是。驚聞羯鼓。誰敢噴髯龍。梅花君自看。丁香已白。桃臉將紅。結歲寒三友。久遲筠松。要看含章簷下。閒妝靚。春睡朦朧。知音是。凍雲影底。鐵面葛仙翁。

又（探梅）

狂吹鳴籬。祥雲翦水。分明欺壓寒梅。冰威初斂。曦影上池臺。應有一番和氣。南枝上。恐有春來。須勤探。呼吾筇杖。屐齒上蒼苔。春風渾未到。徘徊香徑。巡繞千迴。見瓊英一點。小占條枚。且看先鋒闌鬪。看看便。繁蕾齊開。香浮動。微熏詩夢。須更著詩催。

又（賞梅）

臘雪方凝。春曦俄漏。畫堂小秩芳筵。玉壺仙蕊。簾外暮瑤煙。莫話青山萬樹。聊須對一段孤妍。杯行處。香參鼻觀。百溜未爲賢。吾廬何處好。繡香竹畔。偶桂溪邊。且爲渠珍重。滿泛金船。已拚春醒一枕。如今且醉倒花前。花飛後。歡呼一笑。又是說明年。

又（泛梅）

庾信何愁。休文何瘦。范叔一見何寒。梅花酷似。索笑畫檐看。便肯嫣然一笑。疎籬上玉臉冰顏。須勤賞。莫教青子。半著樹頭酸。朱闌聊掩映。崑崙頂上。琪樹團圞。命兒曹班坐。草草杯盤。旋折溪邊□朵。瑤甍泛蕉葉。杯寬從教□尊前有客。拍手笑顏山。

又（簪梅）

弄月黃昏。封霜清曉。數枝影墮溪濱。化工仙手。幻出一番新。片片雕酥碾玉。寒苞似已洩香塵。聊相對。畸人投分。尊酒認筇陳。吾年今老矣。佳人薄相。笑插林巾。愧蒼顏白髮。同授烏雲。玉鏡臺邊試看。相宜是淺笑輕顰。君知否。壽陽額上。不似髮邊春。

又（評梅）

一陣清香。不知來處。元來梅已舒英。出籬含笑。芳意爲人傾。細看高標孤韻。誰家有別得花人。應須是。魏徵嫵媚。夷甫太鮮明。北枝方半吐。水邊疎影。綽約娉婷。問橫空皎月。匝地寒雲。何似此花清絕。憑君爲子細推評。幽奇處。素娥青女。著意爲橫陳。

又

扉映琉璃窗搖雲母。水堂新整。雲灣際天波面。玉鏡寶奩寬。闌外青山幾疊。瑤煙斂影落千巒。寒汀晚蘆花飛雪。風定白鷗閒。塵寰何處有。方壺圓嶠。弱水波翻。問何如。藜杖此地躋攀。種竹今逾萬个。風枝靜日。報平安。他年事。蒼雲屯處。千畝看栖鸞。

又（五姪將赴當塗。自金壇來別。）

栗里田園烏衣門巷。別來幾換星霜。華陽仙窟。翠桁綵衣香。夢墮當塗風月。披絳帳。欲指鱣堂。浮鷗外來。寧老子。特泛雪溪航。相逢春正好。梅舒香白。柳曳宮黃。且相將一笑。樂未渠央。須念離多會少。難輕負百榼霞漿。深深觀舞回飛雪。樂奏小宮商。

又（胡汝明罷帥歸。坐間次韻作。）

江國麾幢邊城鼓角。溢川幾報嚴更。笑談油幕。英傑爲時生。腹貯六韜三略。新詩就。矛槩頻橫。功名事。他年未晚。一箭落欃槍。歸來何早計。白蘋洲畔。鉤穫深耕。又何如。竹帛彝鼎垂名。犀節徵還伊趁。春風外。文鷁催行。巖廊上。談兵齒頰。議論佐休明。

錦春堂慢（正旦作）

氣應三陽。氛澄六幕。翔鳥初上雲端。問朝來何事。喜動門闌。田父占來好。歲星說道宜官。擬更憑高望遠。春在煙波。春在晴巒。歌管雕堂宴喜。任重簾不捲。交護春寒。況金釵整整。玉樹團團。

團柏葉輕浮重醕。梅枝巧綴新幡。共祝年年如願壽。過松椿。壽過彭聃。

水龍吟（遊釣臺作）

九州雄傑。溪山遂安。自古稱佳處。雲迷半嶺。風號淺瀨。輕舟斜渡。朱閣橫飛。漁磯無恙。鳥啼林塢。弔高人陳迹。空瞻遺像。知英烈。垂千古。憶昔龍飛光武。悵當年故人何許。羊裘自貴。龍章難換。不如歸去。七里溪邊。鷓鴣源畔。一蓑煙雨。嘆如今。宕子。翻將釣手。遮日向西秦路。

菩薩蠻（侍飲賞黃花）

井梧葉葉秋風晚。東籬點點金錢滿。開急爲里陽。日烘深院香。幽姿無衆草。莫恨生非早。嚼蕊傍池臺。壽公桑落杯。

風流子（元旦作）

夜半春陽啓。東風峭。猶帶去年寒。嘆榆塞戰塵。玉關煙燧。壯心耿耿。青鬢斑斑。又還是一年頭。上到。日月信跳丸。門帖繪雞。曆頒金鳳。酒浮柏葉。人頌椒盤。幽園春信近。簾櫳靜。小宴取次追歡。聊□水洗煙島。清唱聲閒。況良辰漸有。梅舒瓊蕊。柳搖金縷。巧綴新旛。莫惜醉吟。親側衣曳荆蘭。

又

細草芳南苑。東風裏。贏得一身閒。見花朵繡田。柳絲絡岸。沼冰方泮。山雪初殘。又還是隴頭春。

信動梅蕊入征鞍。月裏暗香。水邊疏影。淡妝宜瘦。玉骨禁寒。泛金溪上好。開幽戶。聊面翠麓。雲灣知道。醉吟堪老。名利難關。算書帷意嬾。宦塗遊倦。舊時習氣。惟有躋攀。擬待杖藜花底。直到春闌。

多麗（賞梅）

冷雲收。小園一段瑤芳。乍春來未回。窮臘幾枝開。犯嚴霜。傍黃昏暗香浮動。照清淺疎影低昂。却月幽姿。含章媚態。姮娥姑射下仙鄉。倚闌看。殷勤持酒。索笑也何妨。堪憐處。東君不管。獨自淒涼。算何人爲伊銷斷。古今才子篇章。有西湖賦詩處士。東閣年少臺郎。驛使來時。吳王醉處。幾番牽動。廣平腸。賸宴賞微酸如豆。又是隔年長。高樓外。莫教羌管吹墮寒香。

又（七夕遊蓮蕩作）

破波光如鏡。三翼輕舟。對雨餘重巖疊嶂。何妨影墮清流。望芙蕖渺然如海。張雲錦掩映汀洲。出水奇姿。凌波豔態。眼看一葉弄新秋。恍疑是金沙池內玉井認峯頭。花深處。田田葉底。魚戲龜遊。正微涼西風初度。一彎斜月如鉤。想天津鵲橋將駕。看寶匳蛛網初抽。晒腹何堪。穿針無緒。不如溪上少淹留。競笑語追尋。惟有沈醉可忘憂。憑清唱。一聲檀板。驚起沙鷗。

沙塞子（詠梅）

天生玉骨冰肌。瘦損也。知他爲誰。寒底傲霜。凌雪不教春知。高樓橫笛試輕吹。要一片花飛。

酒卮。拚沈醉。帽簷斜插。折取南枝。

春光好（立道生日作）

去年曾壽生朝。正黃菊初舒翠翹。今歲雕堂重預宴。梨雪香飄。（是時梨花盛開。故云。）明年應傍丹霄。看寶觴重重在腰。鵲尾吹香籠繡段。且醉金蕉。

又（寒食將過淮作）

禁煙卻釀春愁。正繫馬清淮渡頭。後日清明催疊鼓。應在揚州。歸時元已臨流。要綺陌芳郊恣遊。三月羈懷當一洗。莫放觥籌。

西江月（開爐）

風送丹楓捲地。霜乾枯葦鳴溪。獸爐重展向深閨。紅入麒麟方熾。翠箔低垂銀蒜。羅幃小釘金泥。笙歌送我玉東西。誰管瑤花舞砌。

蝶戀花（冬至席上作）

緹室羣陰清曉散。灰動葭莩。漸覺微陽扇。日永繡工才一線。挈壺已報添銀箭。六幕無塵開碧漢。非霧非煙。彷彿登臺見。梅萼飄香縈小宴。霞漿莫放琉璃淺。

清平樂（子直過省生日候殿試席間作）

文章驚世。半挹南宮第。蟾窟澄輝天似洗。折得宵窠丹桂。當年蓬矢生賢。流霞滿祝長年。更

願巨鰲連釣。楓宸第一臚傳。

減字木蘭花（四經過書院試席上作）

搖毫鑄藻。縱有微之應壓倒。萬里鵬程。南省今書淡墨名。臚傳丹陛。月裏桂花先著袂。雁塔高題。玉季巍科尙覺低。

又（章綉築地相寫作）

張南周北。漫說清漳搖紺碧。何似幽棲。甥舅相望共一溪。璇題沙版。不用買隣糜百萬。餘戶增輝。庭列芝蘭戶戟枝。

水調歌頭

睡鴨凝香縷。白酒瀉無聲。郊墟不辦羊酪。照筇紫絲蓴。此去青山深處。邀得白雲爲伴。絕意請長纓。一舸背君去。幾幅布帆輕。帝恩重。容祿隱。吏祠庭。膝閒文度安親。得計是揚名。珍重金蘭交契。其惜匆匆別去。送我幾煙林。異日懷君處。凝睇亂層岑。

玉漏遲

窗戶明環堵。山容黛染。水光綃舞。荷蓋擎煙。花映步波神女。嫩臉鉛華掩素。無語向熏風凝竚。晴又雨。征鞭隱隱。雲洲沙渚。須臾風捲還晴。看洩丹囊。乍飄沈炷。魚颺荷衣。珠顆亂傾無數。休話金沙玉井。爭似我神龜處。觴爲舉。何人解歌金縷。

行香子

風透紗窗。葉落銀牀。夾纈林吹下嚴霜。新篸浮蟻。班坐飛觴。有巖中秀。籬中豔。洛中香。金鈿放蕊。玉粒爭芳。噴年年來趁清商。不願素節。還有花王。看正封詩。龜年調。太真狂。

玉樓春

（雪中擁爐聞琵琶作）

青女飛花濃翦水。寒氣霏微度窗紙。人閒那得骨爲簾。蘊有麒麟尊有蟻。笙簧凍澁閑纖指。香霧暖熏羅帳底。卻教試作忽雷聲。往往驚開桃與李。

鷓鴣天

（小孫周辟席上作）

榴花庭院戲氍毹。水翦雙眸畫不如。莫恨未能通瑟僊。只今先已辯之無。虎睛淺綴新花帽。龍腦濃熏小繡襦。乃祖未須貼厥力。及時須讀五車書。

浪淘沙

（子直新第落成席上作）

休看輞川圖。未是幽居。何如雲水繞儲胥。新溼青紅開棟宇。霧拱風疏。小圃秀郊墟。花破平蕪。五峯列影水平鋪。只欠五城樓十二。便是蓬壺。

卜算子

（賞荷以蓮葉勸酒作）

明鏡蓋紅蕖。軒戶臨煙渚。翠翠珠簾淡淡風。香裏開尊俎。莫把碧筒彎。恐帶荷心苦。喚我溪邊太乙舟。微灩盛芳醕。

又（席間再作）

裊裊水芝紅。脈脈蒹葭浦。淅淅西風淡淡煙。幾點疏疏雨。草草展杯觴。對此盈盈女。葉葉紅衣當酒船。細細流霞舉。

夜行船（章甥婚席間作）

百尺雕堂懸蜀繡。珠簾外玉闌瓊甃。調鼎名家。吹簫賢冑。新卜鳳凰佳耦。銀葉添香香滿袖。滿金杯壽君芳酒。喜動蟾宮。祥生熊帳。應在細君歸後。

雨中花（昨陽途中小雨見桃李盛開作）

壯歲嬉遊樂事幾經。青門紫陌芳春。未見廉纖膏雨。浥花塵。濯錦寶絲增豔。洗妝玉頰尤新。向韶光濃處。點染芳菲。總是東君。蘇州老子。經雨南園。爲誰一掃花林。誰信道佳聲著處。肌潤香勻。曉洗何郎湯餅。暮留巫女行雲。寄言遊子。也須留呵。小駐歸輪。

又（奉使途中作和前韻）

寄徑睢陽陌上忽看。天桃穠李爭春。又見楚宮行雨。洗芳塵。紅豔霞光夕照。素華瓊樹朝新。爲奇姿芳潤。擬倩遊絲。留住東君。拾遺杜老。猶愛南塘。寄情蘿薜山林。爭似此花如姝麗。嬾隨輕勻。不數江陵玉杖。休誇花鳥紅雲。少須澄霽。一番清影。更待冰輪。

好事近（歸有期作）

宋六十名家詞

一〇

幾騎漢旌迴。喜動滿川花木。遙睇清淮古岸。散離愁千斛。煙籠沙嘴定連艘。鵲脚蘸波綠。歸話隔年心事。秉夜闌銀燭。

又（和子直惜春）

歸日指清明。肯把話言輕食。已是飛花時候。賴東風無力。青帘沽酒送春歸。莫惜萬金擲。屈指明年春事。有紅梅消息。

眼兒嬌（同至汴京喜而成長短句）

暫時莫蕩出燕然。冰柱凍層簷。時節馬蹄歸路。楊花亂撲征幟。如今歸去。銀鑰宜見。七寶牀邊。待得退朝花底。家人爭捲珠簾。

歸愚詞跋

字常之。清孝公書思之孫。文康公勝仲之子。文定公郊之父也。丹陽人。後以文康守吳興。因家於泛金溪。與弟立象同登紹興戊午進士第。所著西疇筆耕五十卷。方輿別志二十卷。歸愚集五十卷。外制集五卷。其膾炙人口者。莫如韻語陽秋二十卷。前有小引。以晉人褚裒自况。託故人徐林爲之序。未果而卒。復於夢中索之。豈文人平生得力處。至死未能已已耶。其自題草廬曰歸愚識夷塗游宦泯捷徑。故文集與詩餘俱名歸愚。第其中如兩中花眼兒媚諸調。俱不合譜。未敢妄爲更定云。古虞毛晉記。

